



**ZAPISNIK O RADU 42. SJEDNICE
KOLEGIJA GRADSKOG VIJEĆA GRADA SARAJEVA
ODRŽANE 01.06.2023. GODINE**

Broj: 01-GV-02-872/23
Sarajevo, 01.06.2023. godine

Prisutni:

1. Jasmin Ademović, predsjedavajući Gradskog vijeća
2. Mirela Džehverović, zamjenica predsjedavajućeg Gradskog vijeća
3. Dragan Stevanović, zamjenik predsjedavajućeg Gradskog vijeća
4. Toni Vukadin, predsjedavajući Kluba gradskih vijećnika Naroda i Pravde
5. Vedad Deljković, predsjedavajući Kluba gradskih vijećnika Stranke demokratske akcije
6. Srđan Srđić, zamjenik predsjedavajućeg Kluba gradskih vijećnika „SMS-Savez za Stari Grad-Srđan Srđić“
7. Adi Škaljić, predsjedavajući Kluba gradskih vijećnika Naše stranke
8. Muamer Mekić, predsjedavajući Kluba gradskih vijećnika Socijaldemokratske partije BiH
9. Enisa Spahić, zamjenica predsjedavajuće Kluba gradskih vijećnica „Enisa Spahić-Amra Zulfikarpašić“
10. Bajro Biber, predsjedavajući Kluba gradskih vijećnika „USD-BOSS“
11. Jasmin Skrupan, zamjenik predsjedavajućeg Kluba gradskih vijećnika „Korora/Skorupan“
12. Seid Škaljić, predsjedavajući Kluba gradskih vijećnika „Narodni evropski savez (NES) - Željko Majstorović“
13. Samir Bejić, predsjedavajući Kluba gradskih vijećnika „Danijela Šahat - Samir Bejić“
14. Mila Eminović, sekretar Gradskog vijeća

Sjednici je prisustvovala, po ovlaštenju Gradonačelnice, Aida Bajramović, rukovodilac Stručne službe za poslove kabineta i poslove Gradske uprave.

Sjednici su prisustvovali Mirjana Đanović Stanić, rukovodilac Stručne službe za poslove Gradskog vijeća Grada Sarajeva, Zinaida Beširević, šef Odjeljenja za stručne poslove u Stručnoj službi za poslove Gradskog vijeća Grada Sarajeva i Amir Vrca, šef Odjeljenja za kabinetske poslove u Stručnoj službi za poslove Gradskog vijeća Grada Sarajeva.

Jasmin Ademović, predsjedavajući Gradskog vijeća je otvorio sjednicu u 14.00 sati, pozdravio prisutne, te konstatovao kvorum za punovažan rad i odlučivanje.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, **većinom glasova**, sa 12 glasova „za“ i jednim „suzdržanim“ glasom **je usvojilo** Zapisnik o radu 41. sjednice Kolegija Gradskog vijeća, održane 03.05.2023. godine.



Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, jednoglasno, **je usvojio** dnevni red 42. sjednice Kolegija Gradskog vijeća, tako da glasi:

1. Priprema za održavanje 29. sjednice Gradskog vijeća Grada Sarajeva
2. Predlaganje članova Komisije za dodjelu u zakup poslovnih zgrada i prostorija Grada Sarajeva iz reda predstavnika Gradskog vijeća
3. Tekuća pitanja

Ad 1)

Priprema za održavanje 29. sjednice Gradskog vijeća Grada Sarajeva

a. Termin održavanja sjednice i dinamika aktivnosti u pripremi sjednice Gradskog vijeća

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, **jednoglasno, je usvojio** sljedeći **zaključak**:

- 29. sjednica Gradskog vijeća će se održati u **ponedjeljak 26.06.2023. godine u Vijećnici** sa početkom u **10.00 sati**;
- Predlagači će materijale dostaviti Predsjedavajućem najkasnije u **petak 02.06.2023. godine do 10.00 sati**;
- Sjednice radnih tijela, u pripremi 29. sjednice Gradskog vijeća, će se održavati **od ponedjeljka 05.06.2023. godine do četvrtka 08.06.2023. godine**;
- Pozivi gradskim vijećnicima za 29. sjednicu Gradskog vijeća će se uputiti u **petak 16.06.2023. godine**.

b. Praćenje realizacije Programa rada Gradskog vijeća Grada Sarajeva

Konstatovano je odnosno zaključeno sljedeće:

Informacija o procesu donošenja urbanističkog plana urbanog područja Sarajevo (Stari Grad, Centar, Novo Sarajevo, Novi Grad, Ilidža i Vogošća) do 2036. godine i obaveznoj primjeni mjera zaštite ventilacionih koridora, prema informaciji Gradonačelnice, **nije spremana** i neće biti uvrštena u prijedlog dnevnog reda 29. sjednice Gradskog vijeća.

Informacija o realizaciji projekta „Model poboljšanja energetske efikasnosti u zgradarstvu na području Kantona Sarajevo u funkciji povećanja broja korisnika (omasovljenje) za 2022. godinu, prema informaciji Gradonačelnice, **je spremna** i očekuje se da će biti uvrštena u prijedlog dnevnog reda 29. sjednice Gradskog vijeća.

Informacija o realizaciji projekta sanacije, restauracije i kolorističke obrade fasada za 2022. godinu, prema infomaciji Gradonačelnice, je razmatrana i primljena k znanju na 28. sjednici Gradskog vijeća održanoj dana 31.05.2023. godine.

Informacija o realizaciji projekta izgradnje biciklističke staze na području grada Sarajeva, prema informaciji Gradonačelnice je razmatrana i primljena k znanju na 27. sjednici Gradskog vijeća održanoj dana 26.04.2023. godine.

Izvještaj o realizaciji Programa manifestacije obilježavanja 6. aprila - Dana Grada Sarajeva u 2023. godini, prema informaciji Gradonačelnice, **je spreman** i očekuje se da će biti uvršten u prijedlog dnevnog reda 29. sjednice Gradskog vijeća.

Informacija o realizaciji projekta revitalizacije uređenja platoa ispred bivše zgrade kasarne „Jajce“, prema informaciji Gradonačelnice, **nije spremna** i neće biti uvrštena u prijedlog dnevnog reda 29. sjednice Gradskog vijeća.

Informacija o pregledu stanja i realiziranim aktivnostima planiranim u Strategiji razvoja Grada, 2021.-2027. dio 6. Grad čuvar, za marginalizirane skupine, prema informaciji Gradonačelnice, **nije spremna** i neće biti uvrštena u prijedlog dnevnog reda 29. sjednice Gradskog vijeća. Informacija će biti pripremljena za jednu od narednih sjednica Gradskog vijeća Grada Sarajeva.

c. *Teme planirane Programom rada Gradskog vijeća Grada Sarajeva za 2023. godinu, a koje nisu realizovane u periodu januar – maj*

- Informacija o realizaciji Projekta sanacije zacijevljenog Bistričkog potoka
- Prijedlog Odluke o podizanju spomen - ploče Aidi Buturović
- Prijedlog Odluke o izmjeni Odluke o podizanju spomenika bosanskom kralju Tvrtku I Kotromaniću

Aida Bajramović je upoznala članove Kolegija Gradskog vijeća da navedene teme neće biti pripremljene za razmatranje na 29. sjednici Gradskog vijeća.

d. *Novi prijedlozi*

Aida Bajramović, rukovodilac Stručne službe za poslove kabineta i poslove Gradske uprave, je upoznala članove Kolegija da će Gradonačelnica za 29. sjednicu Gradskog vijeća predložiti i sljedeće materijale:

- Izvještaj o realizaciji zaključaka Gradskog vijeća Grada Sarajeva od početka mandata trenutnog saziva Gradskog vijeća (23.03.2021. godine) do dana usvajanja zaključaka Gradskog vijeća Grada Sarajeva, odnosno do 29.03.2023. godine,
- Prijedlog Odluke o utvrđivanju posebnog značaja za Grad Sarajevo za Udruženje „Međunarodni forum Bosna“

Aida Bajramović je najavila da bi Gradonačelnica za 29. sjednicu Gradskog vijeća mogla predložiti i Odluku o davanju saglasnosti gradonačelnici Grada Sarajeva za provođenje postupka prodaje transportnih kutija, ukoliko se steknu uslovi za njeno predlaganje.

U raspravi koja je uslijedila vezano za mogući dnevni red 29. sjednice Gradskog vijeća Grada Sarajeva učestvovali su **Mirela Džehverović, zamjenici predsjedavajućeg Gradskog vijeća i Dragan Stevanović, zamjenik predsjedavajućeg Gradskog vijeća**, a odgovore na pitanja i pojašnjenja dala je **Aida Bajramović, rukovodilac Stručne službe za poslove kabineta i poslove Gradske uprave i Jasmin Ademović, predsjedavajući Gradskog vijeća Grada Sarajeva**.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, **jednoglasno, je usvojio** sljedeći zaključak:

Kolegij Gradskog vijeća traži da Gradonačelnica za 29. sjednicu Gradskog vijeća koja će se održati 26.06.2023. godine pripremi Informaciju o statusu regulacionih planova koji su u proceduri u Gradu Sarajevu.

Ad 2)

Predlaganje članova Komisije za dodjelu u zakup poslovnih zgrada i prostorija Grada Sarajeva iz reda predstavnika Gradskog vijeća

Jasmin Ademović, predsjedavajući Gradskog vijeća je upoznao članove Kolegija da je potrebno da Kolegij Gradskog vijeća, na današnjoj sjednici, predloži Administrativnoj komisiji dva predstavnika Gradskog vijeća u Komisiju za dodjelu u zakup poslovnih zgrada i prostorija Grada Sarajeva za mandatni period Gradskog vijeća Grada Sarajeva.

Također je upoznao članove Kolegija na obavezu Gradonačelnice da predloži tri državna službenika, te da će Administrativna komisija, na svojoj sjednici koja će se održati naredne sedmice, utvrditi Prijedlog Odluke o imenovanju članova Komisije za dodjelu u zakup poslovnih zgrada i prostorija Grada Sarajeva za mandatni period Gradskog vijeća Grada Sarajeva i uputiti ga Gradskom vijeću na razmatranje na 29. sjednicu, koja će se održati 26.06.2023. godine.

Nakon rasprave, na prijedlog **Jasmina Ademovića, predsjedavajućeg Gradskog vijeća, Kolegij Gradskog vijeća, jednoglasno, je usvojio** sljedeći **zaključak**:

1. Kolegij Gradskog vijeća Grada Sarajeva predlaže Administrativnoj komisiji da u Komisiju za dodjelu u zakup poslovnih zgrada i prostorija Grada Sarajeva za mandatni period Gradskog vijeća Grada Sarajeva imenuje dva predstavnika Gradskog vijeća i to: gradskog vijećnika Seida Škaljića i gradskog vijećnika Toni Vukadina.
2. Potrebno je da Gradonačelnica do petka 02.06.2023. godine dostavi predsjedavajućem Gradskog vijeća prijedlog članova Komisije iz tačke 1. Zaključka iz reda državnih službenika.

Ad 3)

Tekuća pitanja

Jasmin Ademović, predsjedavajući Gradskog vijeća je podsjetio članove Kolegija Gradskog vijeća da je u materijalu za sjednicu Kolegija Gradskog vijeća dostavljen Zaključak Administrativne komisije sa 45. sjednice održane dana 18.05.2023. godine koji je usvojen prilikom razmatranja Prijedloga Odluke o davanju saglasnosti na Odluku o raspodjelu dobiti JP „Sarajevo“ d.o.o. za 2022. godinu i u kome je Administrativna komisija uputila prijedlog Kolegiju Gradskog vijeća da planira održavanje tematske sjednice Gradskog vijeća s ciljem razmatranja opredjeljenja Grada Sarajeva o projektima koji se odnose na dalji razvoj javnih preduzeća i javne ustanove Grada Sarajeva, te drugih razvojnih projekata Grada.

Jasmin Ademović, predsjedavajući Gradskog vijeća je predložio, a članovi Kolegija prihvatili prijedlog da se na jednoj od narednih sjednica Kolegija Gradskog vijeća razmatraju termini održavanja tematskih sjednica koje se odnose na prijedlog Administrativne komisije kao i na regulacione planove koji su u proceduri u Gradu Sarajevu.

Jasmin Ademović, predsjedavajući Gradskog vijeća je podsjetio članove Kolegija da je u materijalu za sjednicu Kolegija dostavljen akt Savjet mjesne zajednice „Park-Višnjik“ Općine Centar - Zaključak Savjeta sa održane sjednice.

Jasmin Ademović, predsjedavajući Gradskog vijeća je informisao članove Kolegija da će navedeni akt biti prosljeđen Gradonačelnici na dalje postupanje te da je članovima Kolegija dostavljen kako bi se o istom informisali.

Jasmin Ademović, predsjedavajući Gradskog vijeća je informisao članove Kolegija Gradskog vijeća da je predsjednica Skupštine JP „Sarajevo“ d.o.o. podnijela ostavku, te da je potrebno da Gradonačelnica, skladu sa gradskim propisom, za 29. sjednicu Gradskog vijeća koja će se održati 26.06.2023. godine pripremi i predloži Odluku o razrješenju predsjednice Skupštine JP „Sarajevo“ d.o.o. i Odluku o imenovanju v.d. predsjednika/ce Skupštine JP „Sarajevo“ d.o.o. do okončanja konkursne procedure.

Jasmin Ademović, predsjedavajući Gradskog vijeća je podsjetio da je potrebno da Klub gradskih vijećnika Naše stranke predloži razrješenje Samira Fazlića, člana Odbora za društvene djelatnosti, te u Odbor predloži novog člana.

Jasmin Skorupan je zamjenik predsjedavajućeg Kluba gradskih vijećnika „Korora/Skorupan“ je pristupio sjednici Kolegija u 14.30 sati.

Na pitanje **Srdana Srdića, zamjenika predsjedavajućeg Kluba gradskih vijećnika „SMS-Savez za Stari Grad-Srdan Srdić“** da li su klubovi gradskih vijećnika opravdali sredstva za 2022. godinu odgovor je dala **Mila Eminović, sekretar Gradskog vijeća**.

Adi Škaljić, predsjedavajući Kluba gradskih vijećnika Naše stranke je uputio prijedlog da se u saradnji sa Javnom ustanovom Zavod za transfuzijsku medicinu Federacije Bosne i Hercegovine organizuje dobrovoljno darivanje krvi u Vijećnici, nakon održavanja 29. sjednice Gradskog vijeća dana 26.06.2023. godine.

Na prijedlog **Jasmina Ademovića, predsjedavajućeg Gradskog vijeća**, Kolegij Gradskog vijeća, **jednoglasno, je usvojio** sljedeći **zaključak**:

Kolegij Gradskog vijeća Grada Sarajeva predlaže da se u saradnji sa Javnom ustanovom Zavod za transfuzijsku medicinu Federacije Bosne i Hercegovine organizuje dobrovoljno darivanje krvi i to nakon održavanja 29. sjednice Gradskog vijeća koja će se održati dana 26.06.2023. godine u adekvatnoj prostoriji u objektu Vijećnice.

Jasmin Ademović, predsjedavajući Gradskog vijeća je zaključio sjednicu Kolegija Gradskog vijeća u 14.35 sati.

SEKRETAR GRADSKOG VIJEĆA

Mila Eminović, s.r.

PREDSJEDAVALJUĆI GRADSKOG VIJEĆA

Jasmin Ademović, s.r.